

菩薩摩訶薩欲修諸善根度衆生當學般若波羅蜜

「大智度論」集粹之廿九

智
銘

佛言：「（菩薩摩訶薩）欲以諸善根供養諸佛，恭敬、尊重、讚歎，隨意成就，當學般若波羅蜜。」菩薩不離諸佛，當應供養。若得值佛而無供具，其心有礙，亦爲不敬。是故，諸菩薩求供養具，供養諸佛，佛雖不須，菩薩心得具足。

諸善根者，所謂善根果報，華香、瓔珞、衣服、幡蓋，種種珍寶等。所以者何？或時以因說果，或時以果說因，善根果報亦如是，以善根業因緣，得供養之具，名爲善根。供養有二種：一者、財供養；二者、法供養。但說華香等供養，則不攝法供養，今說善根供養，當知財、法俱攝。

供養者，若見若聞諸佛功德，心敬尊重，迎逆侍送，旋遶禮拜，曲躬合掌而住，避坐安處，勸進飲食、華香、珍寶等。種種稱誦持戒、禪定。智慧諸功德。有所說法，信受教誨。如是善身、口、意業，是爲供養。

尊者者，知一切衆生中，德無過上，故言尊，敬畏之心過於父母、師長、君王，利益重故，故言重。

恭敬者，謙遜畏難故言恭，推其智德故言敬。

讚歎者，美其功德爲讚，讚之不足，又稱揚之，故言歎。

隨意成就者，若須華供養，如意卽至，或求得，或不求而得；有自然出者，或變化生；乃至伎樂供養之具，悉皆如是。

佛之所以隨意求索供養者，蓋福德從心，於所敬重，持用供養，得福增多。若有人偏貴重華，以其所貴，持供養佛，得福增多。乃至寶物亦復如是。隨意供養者，有菩薩知佛無所須，又知諸物虛誑如幻，一相所謂無相；爲教化衆生故，隨衆生國土所重，引導故供養。或有菩薩得甚深禪定，生菩薩神通，以神通力故，到十方佛前，於佛國，徧雨天華，滿三千世界持供養佛；如是等名爲財供養。又菩薩行六波羅蜜，以法供養諸佛；或有菩薩得無生法忍，自除煩惱及衆生煩惱，是法供養。或有菩薩住於十地，以神力故，令地獄火滅。於饑鬼道皆得飽，令畜生得離恐怖，令生人、天，漸住阿鞞跋致地。如是等大功德力，名爲法供養。以是故說：欲得善報成就，當學般若波羅蜜。

佛言：「欲滿一切衆生所願：衣服、飲食、臥具、塗香、車乘、房舍、床榻、燈燭等，當學般若波羅蜜。」菩薩業有二種：一爲供養諸佛；二爲度脫衆生。以供養諸佛，得無量福德；持是福德，利益衆生，所謂滿衆生願。菩薩入諸佛法海，得無量功德之寶，利益衆生。菩薩供養諸佛法王故，得受記別；以無量善報珍寶，得無盡智力，來入衆生，善人供養，貧者隨其所須而給與之。魔民、邪見外道之屬悉皆破壞，是爲供養佛，次滿衆生所願。

願有二種：一者、可得願，二者、不可得願。不可得願者，有人欲籌量虛空，盡甚邊際，及求時、方邊際，如小兒求水中月，鏡中像，如是等願，皆不可得。可得願者，鑽木取火，穿地得水，修福得人天中生，及得阿羅漢，辟支佛果，乃至得諸佛法王，如是等名皆可願。可得願又分二種：一謂世間；二謂出世間。是中世間願故，滿衆生願。

菩薩滿衆生願，有下、中、上三願。下願令致今世樂因緣，中願後世樂因緣，上願與涅槃樂因緣。是故先與下願。次及中願，然後上願。能生多著今世樂，少求後樂，涅槃樂者轉復少也。此經前後多說後世涅槃道，少說今世利事。

菩薩法者，常與衆生種種利益，不應有捨。所以者何。初心但欲令諸衆生行大乘法；以不堪受化，次與聲聞，辟支佛道；若復不能，當與十善，四梵行等，令修福德。若衆生都不樂者，如是衆生不應遣捨，當與今世利益，所謂飲食等也。凡夫雖能與人飲食等，滿彼願者，皆有因緣，若今世事，若後世事。聲聞、辟支佛雖無因緣滿衆生願，而所益甚少；菩薩摩訶薩行檀波羅蜜等因緣故，四方衆生若來求者，盡滿足之。恣衆生所欲已，然後說法，令離四食，皆住阿鞞跋致地。如是等菩薩神通力故，能滿衆生願。

菩薩住於十地，入首楞嚴三昧，於三千大千世界，或時現初發意，行六波羅蜜，或現阿鞞跋致，或現一生補處，於兜率天上，爲諸天說法；或從兜率天上來，下生淨飯王宮；或現出家成佛；或現大衆中轉法輪，度無量衆生；或現入涅槃，起七寶塔，徧

諸國土，令衆生供養舍利；或時法都滅盡。菩薩利益如是，何況於佛？

佛身有二種：一者、眞身；二者、化身。衆生見佛眞身，無願不滿。佛眞身者，滿於虛空，光明徧照十方，說法音聲亦徧十方；無量恆河沙等世界滿中大衆，皆共聽法；說法不息，一時之頃，各隨所聞而得解悟。如劫盡已，衆生行業因緣故，大雨澍下，間無斷絕，三大所不能制；的有劫盡十方風起，更互相對，能持此水。如是法性身佛有所說法，除十住菩薩，三乘之人皆不能持；唯有十住菩薩不可思議方便智力，悉能聽受。衆生其有見法身佛，無有三毒及衆煩惱，寒熱諸苦，一切皆滅，無願不滿。佛與一切世間之願，與一切出世間願。若言佛不能悉滿衆生所願，是語不然。

釋迦牟尼佛，王宮受身，現受人法，有寒熱、饑渴、睡眠、受諸誹謗，老、病、死等；內智慧神德，眞佛正覺，無有異也。欲滿衆生所願，悉皆能滿，而不滿者，以數世來，常滿衆生衣食之願，而不免苦；今但以涅槃無爲常樂益之，如人憐憫所親，不與雜毒美食。如是世間願者，生諸結使，又離時，心生大苦，是故不以爲要。

菩薩能滿一切衆生所願，然菩薩心無齊限，福德果報亦無有量；但衆生無量阿僧祇罪厚障故，而不能得。有薄福衆生，罪障重者，佛不能救。又知衆生不可得故，深達法性故，諸佛無有憶想分別，是可度是不可度；心常寂滅，意無增減。以是故，菩薩欲滿一切衆生願，彼以罪故而不能得，菩薩無咎。

飲、食者，畧說有粗、細二種。餅飯等百味之食，經雖四食，衆生久住，而此但說搏食，餘者無色不可相與。若說搏食，則與三食，何以故？因搏食故，增益三食。如經所說，檀越施食，則與受者五事利益。

飲，總說有二種：一者、草木酒；所謂葡萄、甘蔗等及諸穀酒；二者、草木漿、甘蔗漿、葡萄漿、石蜜漿、安石榴漿、梨柰漿，波盧沙果漿等，及諸穀漿。如是和合，人中飲食。及天飲食，所謂修陀甘露味、天果食等，摩頭摩陀婆漿等。衆生各各所食

，或食穀者，或食肉者，或食淨者不淨者，來皆飽滿。

衣服者，衣有二種；或從衆生，所謂綿絹、毛毳、皮革等；或從草木生，所謂布氈、樹皮等。有諸天衣，無有經緯，自然樹出，光色輕軟。

臥具者，床榻、被褥、帷帳、枕等。

塗香者，有二種：一者、旃檀木等，磨以塗身；二者、種種雜香，搗以爲末，以塗其身，及薰衣服，並塗地壁。

乘者，所謂象馬、車輿等。

房舍者，所謂土木寶物所成樓閣、殿堂、宮觀等。以障寒熱、風雨、賊盜之屬。

燈燭者，所謂膏脂、酥油、漆臘、明珠等。

菩薩若慈念衆生，以飲食爲先，次以衣服；以身垢臭，須以塗香，次以臥具；寒雨須房舍，黑闇須燈燭。

菩薩所可滿衆生願者，非謂一闕土、一閻浮提，都欲滿十方世界六趣衆生所願，非但布施所能辦故，以般若波羅蜜破近遠相，破一切衆生相，非一切衆生相，除諸礙故；彈指之頃，化無量身，徧至十方，能滿一切衆生所願。如是神通利益，要從般若出生，以是故，菩薩欲滿一切衆生願，當學般若波羅蜜。

佛言：「菩薩摩訶薩，欲使如恆河沙等世界衆生，立於檀波羅蜜，立於尸羅、羶提、毘梨耶、禪那、般若波羅蜜，當學般若波羅蜜。」利有三種：今世利、後世利、畢竟利，有三種樂：今世、後世、出世樂。前說今世利樂，此說後世、出世利樂。以是故，令衆生住六波羅蜜。菩薩愍念衆生，過於父母念子，慈悲之心，徹於骨髓。先以飲食充其身，除饑渴苦；次以衣服莊嚴其身，令得受樂。菩薩心不滿足，復作是念：衆生已得今世樂，更思惟令得後樂，若以世間六波羅蜜教之，則得人、天中樂，久後還來輪轉生死；當復以出世間六波羅蜜，令得無爲常樂。

莊嚴者，有三種，則爲具足無有過者：一者、衣服七寶；二者、福德；三者、道法。菩薩欲具足三種莊嚴衆生故，先說功德

果報，今說功德因緣。菩薩不捨一切，當作方便，令衆生得衣食利益，是故教修福業，自行自得。菩薩知因緣不可強得，教令得之。以是故，次第教衆生住六波羅蜜。衆生如恨河沙，是無量無邊數，於五衆、十八界、十二入、六種、十二因緣等衆多法中，假名衆生。是天、是人、是牛、是馬。衆生有二種：動者、靜者。動者生身、口業，靜者不能。有色衆生、無色衆生；無足、二足、四足、多足衆生；世間、出世間衆生！大者、小者；賢聖、凡夫；邪定、正定、不定衆生；樂、苦、不苦不樂衆生；上、中、下樂衆生；學、無學、非學非無學衆生；有想、無想、非有想非無想衆生；欲界、色界、無色界衆生。

欲界衆生者，有三種：以善根有上、中、下故，上者、六欲天，中者、人中富貴，下者、人中卑賤。以面類不同故，四天下則異。不善亦有三品：上者地獄，中者畜生，下者餓鬼。欲界衆生又有十種：三惡道、人、及六天。地獄有三種：熱地獄、寒地獄、黑闇地獄。畜生有三種：空行、陸行、水行；晝行、夜行、晝夜行；如是等差別。鬼有二種：弊鬼、餓鬼。弊鬼如天受樂，但與餓鬼同住，即爲其主；餓鬼腹如山谷，咽如針，身唯有三事，黑皮筋骨，無數百歲不聞飲食之名，何況得見，復有鬼，火從口出，飛蛾投火，以爲飲食。六欲天者，四天王等；於六天中間，別復有天。有人言：欲界衆生，應有十一種；先說五道，今益阿修羅道。阿修羅力與三十三天等，何以故？或爲諸天所破，或時能破諸天。如經中說：釋提桓因爲阿修羅所破。四種兵衆入藕根孔以自藏翳。受五欲樂，與天相似，爲佛弟子。以是故阿修羅，非餓鬼道所攝，應有六道。

立檀波羅蜜者，菩薩語諸衆生：當行布施，貧爲大苦，無以貧故作諸惡行，墮三惡道；作諸惡行墮三惡道，則不可救。衆生聞已，捨慳貪心，行檀波羅蜜，菩薩於衆生前，種種因緣，種種譬喻而爲說法，毀譬慳貪。夫慳貪者，自身所須，惜不能用；見告求者，心濁色變，即於現身，聲色醜惡；種後世惡業故，受形醜陋。先不種布施因緣故，今身貧賤；慳著財物，多求不息，開諸罪門；專造惡事故，墮惡道中！生死輪轉利益之業，無過布施

，今世、後世、常得隨意，便身之事，悉從施得；施爲善導，能開三樂：天上、人中、涅槃之樂。所以者何？好施之人，聲聲流布，八方信樂，無不愛敬；處大衆中無所畏誰，死時無悔。其人自念：我以財物植良福田，人、天中樂，涅槃之門，我必得之！所以者何？施破慳結，慈念受者；滅除瞋惱，嫉妬心息；恭敬受者，則除憍慢；決定心施，疑網知裂；知施果報，則除邪見及滅無明。如是等諸煩惱破，則涅槃門開。復次，非但開三樂而已，乃能開無量佛道，世尊之處。所以者何？六波羅蜜是佛道，檀爲初門，餘行皆悉隨從。如是等布施，有無量功德；以是因緣故，令衆生立檀波羅蜜。

立尸羅者，菩薩於衆生前，讚說戒行。汝諸衆生，當學持戒，持戒之德，拔三惡趣及人中下賤，令得天、人尊貴，乃至佛道。戒爲一切衆樂根本，出諸珍寶；戒爲大軍破賊；戒爲莊嚴，如著瓔珞；戒爲大船，能渡生死巨海；戒爲大乘，能致重寶至涅槃城；戒爲良藥，能破結病。戒爲善知識，世世隨逐不相遠離，令心安隱；戒能成就利益諸行；戒爲智梯，能入無漏；戒能驚怖諸結；戒爲一切諸德之根，出家之要。修淨戒者，所願隨意；如是等種種讚戒之德，令衆生歡喜，發心住尸羅波羅蜜。

住羸提者，於衆生前，讚歎忍辱，忍爲一切出家之力，能伏諸惡，能於衆中現奇特事；忍能守護，令施、戒不毀；忍爲大鎧，衆兵不加；忍爲良藥，能除惡毒；忍爲善勝，於生死險道，安隱無患；忍爲大藏，施貧善人無極大寶；忍爲大舟，能渡生死此岸，到涅槃岸；忍爲礮礮，能聲明諸德。求佛道，度衆生之利器，忍爲最妙。行者當作是念，我若以瞋報彼，則爲自害，又我先世自有定罪；不得如意，要必當償；若於此人不忍，餘亦害我。俱不得免，云何起瞋？後次，衆生爲煩惱所牽，起諸惡事，不得自在。衆生加惡而已，不嫌其瞋，但爲除結。復次，行忍之人，祖前罵辱者，見其瞋罵，益加慈念，愛之愈深。又復自念：彼人加惡於我，是業因緣，前世自造，今當受之；若以瞋報，更造後善，何時能已！若今忍之，永得離苦，是故不應起瞋。如是種種因緣，訶瞋恚，生慈悲，入衆生忍中。入衆生忍中已，作是念：

十方諸佛所說法，皆無有我，亦無我所，但諸法和合，假名衆生，無有作者，無罵者，亦無受者，本末畢竟空故；但顛倒虛誑故，凡夫心著，如是思惟已，則無衆生，無衆生已，法無所屬，但因緣和合無有自性。如衆生和合，強名爲衆生，法亦如是，即得法忍。得是衆生忍、法忍故，能得阿耨多羅三藐三菩提，何況諸餘利益！衆生聞是已，生羸提波羅蜜。

立毗梨耶者，教衆生言：汝莫懈怠，若能精進，諸善功德悉皆易得；若懈怠者，見木有火而不能得，何況餘事？是故勸令精進；若人隨方便精進，無願不得，凡得勝法，非無因緣，皆從精進生。精進有二相：一能集生諸善法；二能除諸惡法。復有三相：一、欲造事；二、精進作；三、不休息。復有四相：一、生惡法斷之令滅；二、未生惡法能令不生；三、未生善法能令發生；四、已生善法能令增長。如是等名精進相。精進故能成一切善法，道法精進，乃至能得佛道，何況餘事。衆生聞已，皆立精進波羅蜜。復次，菩薩見有未發阿耨多羅三藐三菩提者，爲讚歎阿耨多羅三藐三菩提法，於一切諸法中最高第一，極爲尊貴，能益一切，令得諸法實相不誑之法，有大慈悲，具一切智，金色身相，第一微妙，三十二相，八十隨形好，無量光明，無量戒、定、智慧、解脫、解脫知見；三達無礙，於一切法無礙解供。得如是者，一切衆生中最爲尊上，應受一切世間供養。若人但心念佛，當得無量無盡福德，何況精進、布施、持戒、供養、承事、禮拜者？語衆生言：佛事如是，汝等當發無上道心，勤修精進，行如法者，得之不难。衆生聞是已，便發無上道心。若發心者，不可但空爾而得，當行檀波羅蜜，行檀波羅蜜次，行尸波羅蜜、羸提波羅蜜、禪波羅蜜、般若波羅蜜；行五波羅蜜，則是毗梨耶波羅蜜。若不發大乘心者，當教辟支佛道；若無辟支佛遺者，教行聲聞道；若無聲聞道者，教令離色，受無色定，寂滅安樂；若無無色定者，教令離欲，受色界種種禪定樂；若無禪者，教令修十善道，人、天中受種種樂。莫自懈怠，空無所得，貧窮下賤，種種勤苦，甚爲可患！懈怠法者，最爲弊惡，破壞今世、後世利益善道。衆生聞已，集諸善法，勤行精進。